

at  
ru  
no  
co  
qu

N  
run  
ricu  
I  
cura  
ipso  
vene  
in il  
pore



# DIFFICULTATES,

SEU QUÆSITA PROPOSITA

A R. P. D. D. EPISCOPO QUEBECENSI,

Sacrae Congregationi, de propagandâ fide, &  
ab eâdem remissa ad Sacram Congregatio-  
nem Sancti Officii, à quâ maturè omnibus  
examinatis ac perpensis, fuerunt resoluta,  
prout infra.

## PRIMA DIFFICULTAS.

**Q**uæritur, utrum baptizare liceat Infidelium, seu  
Barbarorum liberos, qui rationis usum nondum  
attigerunt, præsertim parvulos Alkonkinorum, alio-  
rumque Barbarorum, qui licet baptisati, nullum ferè  
nostræ Religionis actum exercent; sed per nemora  
continuò vagantur, superstitiones pristinas sequuntur,  
quorumque liberi, cùm adoleverint, imitatores fiunt?

## RESOLUTIO.

Non licere, si sint filii Infidelium, & in potestate eo-  
rum relinquendi; secluse tamen mortis imminentis pe-  
riculo.

Licere verò, si sint filii Barbarorum baptisatorum;  
curandum tamen per Missionarios, ac per ipsosmet  
ipsum parentes, ut cum ad annos discretionis per-  
venerint, à se, vel ab aliis instruantur, præsertim si  
in illis Regionibus non prævideatur in promptu suo tem-  
pore adfuturos Ministros Evangelicos, qui in hoc pa-

rentum commodè possint supplere defectum.

#### SECUNDA DIFFICULTAS.

Quæritur num baptisandi sint infusione? cùm enim infantes expavescant, Missionarii quidam solent manum aquâ intinctam fronti eorum applicare, vel spongiâ utuntur?

#### RESOLUTIO.

Non esse immutandum Ecclesiæ ritum.

#### TERTIA DIFFICULTAS.

Quæritur utrum observandæ sint Baptismi Cæremoniæ in illis Missionibus, in quibus nullæ adhuc reperiuntur Ecclesiæ, vel in quibus usus non invaluit adhibendi Uctiones, aliasque Cæremonias Baptismi, an omitti possint?

#### RESOLUTIO.

Non esse omittendas, imò curandum, ut ubi non invaluit earum usus, introducatur.

#### QUARTA DIFFICULTAS.

Quæritur quid faciendum incumbat Missionario, qui imprudenter & inconsideratè baptisasset omnes Missionis suæ infantes, quorum patres & matres adhuc infideles essent?

#### RESOLUTIO.

Teneri per se, vel per alios, quantum fieri potest instruere filios Infidelium imprudenter & inconsideratè baptisatos, cùm ad usum rationis pervenerint, monitis etiam cœteris Missionariis, imò & Episcopo quatenus opus fuerit.

#### QUINTA DIFFICULTAS.

Quæritur utrum antequam adulto conferatur Ba-



ptissima, Minister teneatur ei explicare omnia fidei nostræ Myſteria, præſertim ſi eſt moribundus, quia hoc perturbaret mentem illius? An non ſufficeret, ſi moribundus præmitteret fore ut, ubi è morbo conveſceret, inſtruendum ſe curet, ut in praxim redigat, quod ei præſcriptum fuerit?

#### RESOLUTIO.

Non ſufficere promiſſionem, ſed Miſſionarium teneri adulto etiam moribundo, qui incapax omnino non ſit, explicare Myſteria fidei, quæ ſunt neceſſaria neceſſitate medii; ut ſunt præcipue Myſteria Trinitatis & Incarnationis.

#### SEXTA DIFFICULTAS.

Quæritur an ſit neceſſarium, ut ei explicetur Eucharistiæ myſterium?

#### RESOLUTIO.

Quoad adultos extra mortis periculum, per ſe loquendo teneri, niſi tale in contrarium urgeat motivum, ut expediens prudenti Miſſionario judicetur dilatio poſt Baptiſmum.

Quoad moribundum pariter teneri, niſi vel tempus non ſuppetat, vel tanta prævideatur in eo animi perturbatio, ut à ſuſceptione Baptiſmi diſtrahere valeat.

#### SEPTIMA DIFFICULTAS.

Quæritur utrum Miſſionarius ita teneatur baptiſmandum adultum ad contritionis, ſeu attritionis actum impellere, ut omiſſo contritionis vel attritionis actu, jure illum baptiſare non poſſit, etiam ſi Miſſionarius inſtrueret eum, tam ad eliciendum actum amoris Dei, quam actum resolutionis, ſeu proſiſti non reïterare peccata commiſſa: multo facilius eſt Miſſionario, qui diſcit linguam Barbarorum, inſtruere Barbaros, ut duos

4  
postremos actus eliciant, quàm primos; difficilius enim est facere illos exprimere motivum doloris de peccatis commissis; quia Deo displicent infinitè, & quia infinitè bonus est, & quia peccatum meretur Infernum?

#### RESOLUTIO.

Teneri Missionarium inducere baptisandum aduleum ad eliciendum actum contritionis, vel attritionis.

#### OCTAVA DIFFICULTAS.

Quæritur utrum conferendum sit Viaticum, aut Extrema Unctio moribundis adultis, quos Baptismi aliquando capaces credimus, non autem Communionis, aliorumque Sacramentorum?

#### RESOLUTIO.

Non esse administrandum Viaticum Neophyto moribundo, nisi saltem discernat cibum spirituales à corporali, cognoscendo, & credendo in Sacram Hostiam præsentiam Christi Domini.

Non esse pariter conferendum Sacramentum Extremæ Unctionis Neophyto moribundo, quem Missionarius capacem Baptismi credidit, nisi saltem idem habeat aliquam intentionem recipiendi sacram Unctionem in beneficium animæ pro mortis tempore ordinatam.

#### NONA DIFFICULTAS.

Quæritur utrum baptisari possit Barbarus adultus morti proximus, qui plures secum habens mulieres, pollicetur se non nisi unam servaturum, si pristinae sanitati restituatur; sed qui non vult dimittere alias; an teneantur Missionarius compellere & insistere, ut Barbarus dicat, quam ex omnibus foeminam electurus sit in conjugem? vel utrum sufficiat Barbarum promittere se non nisi unam habiturum?

### RESOLUTIO.

Non licere, si ex illis mulieribus una sit uxor legitima, & cœteræ concubinæ, nisi prius ejectis concubinis.

Si verò habuerit omnes tanquam legitimas uxores, pariter non licere, nisi ejectis omnibus, præter primam, si cum eâ validè contraxit, & velit secum cohabitare absque Creatoris injuriâ.

Si tandem, vel omnes simul, & unico actu acceperit in uxores, vel omnes habeat ut concubinas, non licere, nisi ejectis omnibus antè susceptionem Baptismi.

### DECIMA DIFFICULTAS.

Quæritur an possit baptisari Barbarus adyltus, qui permittit, imò qui desiderat, ut Medici, & parentes adhibeant certas Cœremonias superstitiosas ad sanitatem procurandam, quæ ad minimum vanæ sunt & inutiles, sed adhuc ignoratur utrum absolute sint contra Religionem Catholicam? Quæritur autem num Missionarius illum baptisare possit antequam certò sciat quid significant tales Cœremonia, & cui dirigantur?

### RESOLUTIO.

Stante certitudine, quod Cœremonia illæ ad minimum sint vanæ & inutiles, & sub dubio, an sint contra Religionem Christianam, non licere.

### UNDECIMA DIFFICULTAS.

Quæritur an Missionarius possit conferre Baptisma, aliaque Sacramenta infirmo Barbaro, cui explicata sunt Religionis mysteria, quique pollicitus est se observaturum, nisi hoc tantum motivo, scilicet quod nolit ei contradicere?

Multæ ipsi supersunt rationes dubitandi num moribundus sit benè instructus, quia Missionarius linguæ



Barbaræ rudis ferè , atque imperitus , non potuit nisi obiter explicare Myſteria ſublimia excedentia caput Barbarorum ; & quamvis moribundus affirmet , ſe omnia capere , exteriora tamen & exiguitas devotionis perſuadent id moribundum dicere ex complacentiâ , ita ut ſi alius ad eum accederet , qui diceret , quod omnia quæ dicta ſunt ei , nihil ſint , niſi meræ fabulæ , etiam ſunt fabulæ , reſponderet Barbarus complacendi gratiâ.

Hoc autem oriri poteſt ex duobus principiis. Primum quia non capit quæ ei dicuntur. Secundum , ex animi levitate , ita ut eo ipſo momento , quo dicit , credo & faciam , credat reverà & exequi velit , ſed minimâ ratione contrariâ , ſententiam mutabit ; quod tamen conſtat , quod Barbarus nolleſt uri in Inferno , & ſic affirmatio ejus poſſit eſſe vera , & ex intimo cordis.

Difficultas eſt , utrum credat eſſe unum Deum , & utrum credat eſſe Infernum , an verò audiat , quæ dicta ſunt ei , tanquam hiftoriam ſibi narratam , quæ vera & falſa eſſe poteſt.

#### RESOLUTIO.

Non licere , ſi Miſſionarius ſit moraliter certus , prout in dubio aſſeritur , Barbarum infirmum non ſufficienter juxta proprii caput meſuram intellexiſſe Myſteria Chriſtianæ Religionis , aut ea ſufficienter non credere , & ex ſolo motivo non contradicendi promittere ſe ſervaturum mandata ejusdem Religionis.

Si verò Miſſionarius prudenter eredit , infirmum Barbarum , quando dicit ( *credo , & faciam* ) reverà tunc ſufficienter credere , ſeriòque promittere ſe ſervaturum , ut ſuprà , debere baptiſari.

Si autem de prædictis Miſſionarius dubitet , & tempus non ſuppetat illum melius inſtruendi , vel moribundus incapax omnino habeatur , immineatque periculum mortis , ac dubitet de intentione Barbari moribun-

7  
di, idem ab ipso baptisetur sub conditione, dummodo sit capax Baptismi.

#### DUODECIMA DIFFICULTAS.

Quæritur utrum Missionarius, cui Missio difficilis multum foret propter magnam Regionis amplitudinem, posset dividere, & assignare tempus, quo visitaret, seu percurreret unumquemque locum, verbi gratia, singulis mensibus, & extra tempus visitationis secum statueret non ire, & non visitare quemquam, tam propter experientiam quotidianam, quod Barbari vocant Missionarium pro minimâ infirmitate, quam ista ratione, scilicet quia tantus labor debilitaret Missionarium, & vires ejus excederet; sed si interdum morerentur infantes, vel adulti? quæritur utrum Missionarius peccaret mortaliter, vel venialiter?

#### RESOLUTIO.

Non licere Missionario sine gravi culpâ dividere loca suæ Missionis, secum statuendo non ire extra locum sibi præfixum, sed teneri facere quantum in se est, & quantum moraliter potest, ne infantes, ac adulti totius Regionis sibi commissæ decedant sine Sacramentis absolute necessariis.

#### DECIMA-TERTIA DIFFICULTAS.

Quæritur an possit baptisari adultus rudis, & stupidus, ut contingit in Barbaro, si ei detur sola Dei cognitio, & aliquorum ejus attributorum, præsertim justitiæ remunerativæ & vindicativæ, juxta hunc Apostoli locum, *Accedentem ad Deum oportet credere, quia est, & quia remunerator est*: ex quo infertur adultum Barbarum in certo casu necessitatis urgentis posse baptisari, quamvis non credat explicitè in Jesum Christum?



## RESOLUTIO.

In casu proposito Missionarium, non posse baptizare non credentem explicitè in Dominum Jesum Christum, sed teneri ipsum instruere de omnibus iis, quæ sunt necessaria necessitate medii juxta captum baptisandi.

## DECIMA-QUARTA DIFFICULTAS.

Quæritur utrum Missionarius teneatur Barbaris adultis baptisatis, aut baptisandis omnia præcepta Legis positivæ Divinæ intimare, præsertim ea omnia, quibus se se submittere difficultatem habent, ut ejusmodi Barbari securitate conscientiæ fruantur, licet ea præcepta non observent, quæ ignorant, nitentes hoc juris axioma, *Lex non obligat, nisi fuerit promulgata?*

## RESOLUTIO.

Teneri omnia præcepta Legis positivæ Divinæ intimare.

## DECIMA-QUINTA DIFFICULTAS.

Quæritur utrum fœminæ Christianæ, quæ inter Barbaros nostros multò plures sunt, quàm mares, cum non inveniunt maritum Christianum, possint cum Infidelibus matrimonia contrahere, ut fecisse olim perhibetur Sancta Cæcilia, & Sancta Monica, & in Galliâ nostrâ Catholici olim cum Calvinistis, præsertim cum inter Barbaros nostros non tantus sit perversionis timor, si dispensatio posset esse generalis, & à quo petenda sit?

## RESOLUTIO.

Non posse, nisi præviâ dispensatione Sedis Apostolicæ, in casibus particularibus petenda.

## DECIMA-SEXTA DIFFICULTAS.

Quæritur cum inter Barbaros nostros de indissolubi-

litate Matrimonii altum fuerit silentium, utrum si fœmina Christiana post Baptismum viro Infideli nupserit ex dispensatione, contractu tantum civili alligata, nulla Sacramenti Solemnitate intercedente, si deinde lapsu temporis discedat vir Infidelis à Fideli conjuge, licet ne Fideli etiam discedere, & ad ulteriores nuptias progredi?

#### RESOLUTIO.

Non licere, & de indissolubilitate Matrimonii etiam in hoc casu teneri Missionarios, eos instruere priusquam Matrimonia contrahant.

#### DECIMA-SEPTIMA DIFFICULTAS.

Queritur utrum inter Barbaros nostros Christianos Ecclesiæ filios adhuc informes, Christianus & Christiana liberè possint nubere & cohabitare, bonis thori, & prolis gaudere, sine Solemnitatibus in Sacro Concilio Tridentino præscriptis, sine Benedictione, & præsentia Parochi, contractu civili conjuncti, mutuo consensu dissolubili ad tempus, donec se mutuo probavissent, sufficienterque intercederet inter ipsos morum, animorumque sympathia, ut possent in posterum individuan vitam societatem inire, eamque tunc firmare, & veluti consecrare per Benedictionem solemnem Sacramenti Matrimonii, cum post diurnam conversationem, ætatis maturitatem, & fortè susceptam prolem nullus de ipsorum concordia relictus sit dubitandi locus? sin minus hoc non liceat, teneanturque baptisandi omnes istas leges adimplere, cum antè maturam ætatem, & continentia pariter & constantia conjugalibus parum videantur esse capaces Barbari, sive viri, sive mulieres, parum etiam Baptismi videntur esse capaces ante probatum per multos annos Matrimonium?

#### RESOLUTIO.

Non licere.



## DECIMA-OCTAVA DIFFICULTAS.

Quæritur utrum liceat Sacerdotibus Missionariis propter imbecilitatem animi Barbarorum, dum ipsis Myſteria fidei, Legesque Christianas exponunt, præceptum de indissolubilitate Matrimonii reticere? vel utrum eos, qui nollent illud observare à Baptismo, vel si baptisati à cæterorum Sacramentorum perceptione remove teneantur?

## RESOLUTIO.

Non licere pariter præceptum de indissolubilitate Matrimonii reticere; nolentes autem illud observare, non esse baptisandos; baptisatos autem, ad cætera Sacramenta non esse admittendos.

## DECIMA-NONA DIFFICULTAS.

Quæritur utrum si foemina ad fidem conversa, & baptisata velit nubere, & hoc necesse habeat, quia se continere non potest; vir autem cui nubat, non reperitur nisi Infidelis; utrum, inquam, ad eos Sacramento Matrimonii conjungendos debeat vir Infidelis baptisari, etiam si sit aliqua ratio timendi, ne postea in apostasiam labatur, & uxorem deserat?

## RESOLUTIO.

Non licere, nisi Missionarius prudenter judicet Infidelem habere veram intentionem suscipiendi Baptismum, seriumque animum in fide susceptâ perseverandi.

## VIGESIMA DIFFICULTAS.

Quæritur utrum foemina Christiana more Barbarorum Infideli maritata, debeat illa semper remanere cum suo viro Infideli, & an prohibenda sit ne illum deserat?

Quomodo se gerendum erga eos cum ad aliquam



II  
Missionem veniunt in eâ manfuri, an fimul relinquendi,  
an feparandi?

RESOLUTIO.

Si Matrimonium illud validè contractum fuerit in  
Infidelitatis ftatu, consulendam mulierem, ne deferat  
propriū virum, quamvis Infidelem, fi hic velit cum  
illâ cohabitare absque contumeliâ Creatoris.

Si verò Matrimonium fuerit contractum post Baptif-  
mum, & sine dispensatione, effe feparandos.

VIGESIMA-PRIMA DIFFICULTAS.

Quæritur utrum Barbaris danda fit dispensatio gene-  
ralis à Proclamationibus?

RESOLUTIO.

Negativè.

VIGESIMA-SECUNDA DIFFICULTAS.

Quæritur utrum Barbaris danda fit dispensatio gene-  
ralis de omnibus impedimentis dirimentibus, quæ inter  
eos reperiri poffunt, & de quibus non fit dispensandum?

RESOLUTIO.

Negativè, & in Cafibus particularibus, qui in fa-  
cultatibus Missionariis concedi folitis, non compre-  
henduntur, recurrendum effe ad Apostolicam Sedem.

VIGESIMA-TERTIA DIFFICULTAS.

Quæritur quomodo fe gerere debeat Missionarius  
erga mulieres nolentes reddere debitum, vel quia gra-  
vidæ funt, vel quia lactant filios fuos, quia fi concipe-  
rent, non poffent eos amplius nutrire, nec per fe, nec  
per alios, & fic morerentur pueri?

RESOLUTIO.

In Cafibus fimilibus Missionarii consulant Scriptores  
Theologos de materiâ tractantes.

## VIGESIMA-QUARTA DIFFICULTAS.

Quæritur utrum instruendi sint Barbari de præcepto  
Communions Eucharisticæ, & ad eam obligandi?

## RESOLUTIO.

Instruendos Barbaros, & obligandos.

## VIGESIMA-QUINTA DIFFICULTAS.

Quæritur utrum iis concedenda sit dispensatio gene-  
ralis ab observantiâ Quadragesimali; nec non ab abs-  
tinentiâ Feriæ Sextæ, & Sabbati?

## RESOLUTIO.

Non esse concedendam.

## VIGESIMA-SEXTA DIFFICULTAS.

Quæritur utrum celebrari possit Missæ Sacrificium in  
Partibus longinquis, ita ut nec guttula vini in utrâque  
ablutione recipiatur? & utrum de hoc Episcopus dis-  
pensare possit, vel ad Apostolicam Sedem sit recur-  
rendum?

## RESOLUTIO.

Citra maximam vini penuriam servandas esse pro  
viribus Rubricas Missalis Romani; præsertim in puri-  
ficatione, seu primâ ablutione.

*Datum Romæ anno Domini millesimo septingentesimo  
tertio, die primâ Augusti.*

LAURENTIUS Archiepiscopus.

L T A S.

de praecepto  
igandi?

L T A S.

nsatio gene-  
non ab abs-

L T A S.

crificium in  
in utrâque  
iscopus dis-  
sit recur-

as esse pro  
im in puri-

ingentesimo

episcopus.